

Na osnovu člana 32. Zakona o javnim nabavkama Bosne i Hercegovine („Službeni glasnik BiH“ broj: 39/14), a nakon provedenog otvorenog postupka za nabavku usluga: „**Otprema pismonosnih pošiljki unutar BiH**“ – tender br. 135/20 (predmetna nabavka je planirana Dopunom Plana javnih nabavki za 2020. godinu pod rednim brojem 530.) zaključuje se :

OKVIRNI SPORAZUM

Između:

1. **KJKP „Vodovod i Kanalizacija“ d.o.o. Sarajevo**, ul. Jaroslava Černija broj 8., Sarajevo (u daljem tekstu: ugovorni organ), koga zastupa v.d. direktor Aida Pendek, dipl. ing. grad.

i

2. „**JP BH POŠTA**“ d.o.o. Sarajevo, ul. Obala Kulina bana broj 8., Sarajevo, (u daljem tekstu: ponuđač), koga zastupa generalni direktor mr. sci. Mirsad Mujić i izvršni direktor sektora za poštanski promet Mensud Bašić, dipl. ecc.

Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke usluga: „**Otprema pismonosnih pošiljki unutar BiH**“ za koje je proveden otvoreni postupak nabavke.

Ovaj okvirni sporazum ne predstavlja obavezu ugovornog organa na pružanje usluga od ponuđača, već predstavlja osnovu za zaključenje pojedinačnih ugovora u toku trajanja okvirnog sporazuma. Tokom trajanja ovog okvirnog sporazuma ugovorni organ će zaključivati pojedinačne ugovore u skladu sa raspoloživim finansijskim sredstvima i potrebama ugovornog organa a kojim će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

Član 2.

Okvirni sporazum se zaključuje sa ponuđačem čija ponuda je izabrana kao najpovoljnija u otvorenom postupku nabavke broj: 135/20, objavljenom na Portalu javnih nabavki obavještenje o nabavci broj 247-1-2-3-3-3/21 od 04.01.2021. godine.

Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: **35.394,00 KM (slovima: tridesetpethiljadatristodevedesetčetiri KM)**.

Član 4.

Ponuđač je nakon zaključenja pojedinačnog ugovora obavezan da naručenu uslugu izvrši u skladu sa **ponudom broj: 263/21 od 20.01.2021. godine**, koja je sastavni dio ovog okvirnog sporazuma, na teritoriji Bosne i Hercegovine u skladu sa iskazanim potrebama ugovornog organa i to svakim radnim danom u vremenskom periodu od 08:00 do 16:00 sati.

Član 5.

Ugovorni organ će plaćanje izvršiti u roku od 60 dana od dana ispostavljanja fakture.

Član 6.

Odredbe ovog okvirnog sporazuma ne mogu se mijenjati nakon njegovog zaključenja.

Član 7.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

Član 8.

Obavještenje o dodjeli okvirnog sporazuma će se objaviti na Portalu javnih nabavki.

Član 9.

Okvirni sporazum se zaključuje na period od **12 mjeseci** od dana zaključivanja okvirnog sporazuma a isti se smatra zaključenim kada ga potpišu obje ugovorne strane.
Ovaj sporazum traje do isteka vremenskog perioda na koji je zaključen ili dok se ne utroše finansijska sredstva po ovom okvirnom sporazumu.

Član 10.

Ovaj okvirni sporazum primjenjuje se sa danom obostranog potpisivanja od strane ovlaštenih lica ugovornih strana a sačinjen je u 6 primjeraka, od kojih svaka ugovorna strana zadržava po 3 primjerka.

Ponuđač:

Generalni direktor


mr. sci. Mirsad Mujić

Supotpisnik

Izvršni direktor sektora
za poštanski promet


Mensud Bašić, dipl. ecc.

Broj: 01-11-10-125/21 SL
Datum: 26.03.2021.

Ugovorni organ:

v.d. Izvršni direktor


Almir Pamuk, dipl. oec.

v.d. Direktor


Aida Pendek, dipl. ing. građ.

Broj: 169/21
Datum: 17.03.2021.g.